

privin om sanu, katskõrd ajastajan 2 prozent renti, ni kawwa kui Kredit-Kassa-Koggodus sedda saiwat prozenti-arwo tahhap üllewân piddada. Kui peas waja ollema, seddasinast prozenti-arwo surembas tõsta, sis peap se, ke pantprive-wõllan om, sega ka rahhul ollema, sest et se teinale jälle tullus tullep, kui prozenti-arwo peas allandetama.

§ 54. Sedda renti massap se, ke oina tallomaad mõisa wastutamisega om ostnu, 15^{nest} Septembri-ku päiwast ammal 1ⁿⁱ Oktobri-ku päiwani nink jälle 15^{nest} Märzi-ku päiwast ammal 1ⁿⁱ Aprili-ku päiwani mõisa herra kätte, ke sedda waiwa henne päle wõttap, sedda rahha wastawõtta nink mõisa rentimasmise ajal sissemasja nink ka kwitanzi wäljaanda, kui talloma-pärrispiddaja oina renti digel ajal om ärramasnu. Kui talloma ilma mõisa wastutamata om ärramüdu, sis annap Tarro Kredit-Kassa wallitsus masjale essi kwitanzi wälja.

§ 55. Kes pantprive-wõllan om, massap Kredit-Kassa wallitsuse ülespidamises sellamal ajal katskõrd ajastajan $\frac{1}{2}$ prozent renti oinast pantprive-wõllast.

§ 56. Päle sedda niimitetu renti nink wallitsuse ülespidamise rahha tullep pantprive-wõllamehhel weel masja eddimätsse rentimasmise ajal $\frac{1}{3}$ prozent renti oinast pantprive-wõllast Sinkiwondi tarbis. Se Sinkiwondi rahha ei masjeta mitte ni kui mu Kredit-Kassa masjo katskõrd aastal, enge ütškõrd aastal sellamal säetu rentimasmise ajal.

§ 57. Sesama $\frac{1}{3}$ prozent Sinkiwondi-rahha ei lanna eddimätsel polel ajastajal sissemasjale mitte renti, enge teina rendiga tassutas sedda surembat kullu ärra, mes wallitsusele surembast kirjutamisest tullep. Ent kui eddimäne pool ajastaj om mõdalännu, sis tullep se Sinkiwondi rent nink rendi-rent, mes egga ajastaja mañukaswap, pantprive-wõllamehhele hääs arwata, nisama kui se sissemasjetu Sinkiwondi-rahha essi.

§ 58. Sissemasjetu Sinkiwondi eest annap Tarro Kredit-Kassa wallitsus sissemasjale makeli kirjutetu kwitanzi.

§ 59. Kuina Sinkiwond se tarbis om säetu, et eesmält se kahjo saas ärratassutus, mes Kredit-Kassa-Koggodusele talloma läbbi wõip koggemata sündida, tõiselt et pantprive-wõlg aigomõda wähhembas saas, nink wiimselt et, kui talloma mõisa wastutamisega om ostetu, mõis oinast wastutamisest aigo mõda wallale saas: sis om keeldmata, Kontrakti-teggemise man ka se päle leppi, et Sinkiwondi tarbis oinamb kui $\frac{1}{3}$ prozent pantprive-wõllast sissemasjetas.

§ 60. Kuit nesiñatse masjo: pole ajastaja rent, wallitsuse ülespidamise kullu nink Sinkiwond peawa säetu ajal ütte kõrraga ärramasjetama, nink ei mitte offawalt ehk aigomõda.

§ 61. Kui mõisa digus om, oina pantprive-renti ka tõise mehhe läbbi refognizioni-kirjaga ärratassuda, sis ei pea oinete talloma-pärrispiddajal lubba ollema, sel wisil oina pantprive-renti masja.

Tähhendus. Mõis saap oina wõlge-jänu rendi-masjo eest refognizioni-kirja, ent se man ei olle se talloma, mes mõisa wastutamisega om ärramüdu, mitte se mõisa wõlla-armun üttenarwatu, kui mõis mitte ei wõi tõttes tetta, et talloma masjo omma masmata jänu.

VII. Kui rendi-masjo masmata jänu.

§ 62. Kui pantprive-wõllamees digel ajal omme Kredit-Kassa masju om ärramasnu, ent mõis ei olle sedda rahha, ni kui § 54 oppetap, säetu ajal Kredit-Kassa wallitsuse kätte saatnu, sis kirjutetas se wõlg mõisa wõllas, nink kui mõis wõlla pärrast kohto kimbutusse saap, sis se ei puttu tallomaad sugguke.

§ 63. Kui pantprive-wõllamees ei olle säetu ajal oina Kredit-Kassa renti sissemasnu, sis peap teina nisama kui mõis, mes oina renti wõlgo jänu, oduse renti nink rahha-ülleswõtmise-kullu nink, kui tarbis peas ollema, ka rahha-ärrasaatmise-kullu weel päle masma.

§ 64. Kui talloma om mõisa wastutamisega ärramüdu nink talloma pärrispiddaja ei masja 1. Aprilil nink